

Gui'ch yaloy guxhaal San Pabl loj ree bén Tesalónica rlliladx Jesucrist

1 Naj, Pab con Silvan në Timoteo, cayxhaalan gui'ch guie par lëjt najdi bén rlliladx Jesucrist luguiedx Tesalónica, dux Dad ree Dios në Dad Jesucrist güünle' lëjt yabe'cdxe tëë reeman luxdoodi.

Rudëë Pab quixtëë loj Dios

²Guixie guixie radëen quixtëë loj dux Dad ree Dios por gradi, rasaaladx tëen lëjt chi rarejdx ranaaban laaman. ³Në zianchi chi rarejdx ranaaban laaman, nadxe'duguijcan ni ma beendi guial rlliladxidi laaman, në guial rën lasa'di, nadxe'duguijc tëen guial cadaandi cabëzidi gui't Dad Jesucrist stijb. ⁴Compniar raliduladx ree Jesucrist, dunujn rayagbee guial Dios rën lëjt, gulej tëëman lëjt. ⁵Din chi baneen xtiidxza'caman lojdi, ad diidxtizi balüün lëjt, balüün lëjt con xguialrniabee xSprijt Dios abi' rayagbeen guial diidxli naj ni caynan lojdi. Lëjt ragbee xhienaag babajnan chi badxu'në'n lëjt, babajnan zian din yaguieenan lëjt yudar xhienaag guibandi.

⁶Abi' lëjt nabandi zi'c babajnan lojdi në zi'c balüü Jesucrist, abi' por

xSprijt Dios babaadi bililadxidi ni banan lojdi, majsi dád guzagdiajdi. ⁷Zian najdi tijb ejempl par gra ree bén rlliladx Jesucrist niz Macedonia në niz Acaya. ⁸Por lëjt bire'ch xtiidxaman ad tijbtizi luarzii ree, gra ladczy ruza't reeman xhienaag rlliladxidi Dios, xt ni'qui chetri ryaadx yaguie'chan. ⁹Din laagajc reeman rü diidx xhienaag baca'di dunujn chi budganajn lëjt, xhie tëë naag basa'ndi ni naladxidi naj ree dios persi binalidi quijb Dios naban abi' guzuloy cayüjndi laaman sirv. ¹⁰Rü tëë reeman diidx xhienaag cabëzidi gui't Jesucrist Xi'n Dios diidz xanyabaa, bén basbanman loj ree bengüt, Jesús bén rabëë dunuj ree loj casti ni zëed.

Ni been Pab luguiedx Tesalónica

2 Lëjt ragbee, compniar raliduladx ree Jesucrist, guial ad budganaj xlia'tzan lëjt, ²majsi lëjt ragbee guial luguiedx Filipos guna ree bejn diidxguijdx du lojn në graloy ree guialzi badëed reeman dunujn. Per Dios banee dunujn valor persi badün xtiidxza'caman lojdi, majsi xhietëëz raza'can por ree bén rdxe'ch dunujn. ³Din ad

baneen'etan lějt diidx rusquiee, o par yaguieenn'ēn lějt zi'ctzi rayēnan ya, o par yasquieen lějt, ⁴per zi'c bacaabee Dios dunujn din yaneen xtiidxza'caman guial baguiaaman zile' yaguieenan ni rayal yaguieenan, laanan naj ni radūn ad par yaya'ntan zagdxe loj ree bejn, par yaya'nan zagdxe loj Dios, b́en ragbee gra ni yu' luxdoo bejn. ⁵Lějt ragbee guial ad yu't dxej baneen'ēn lějt zagdxe naabzi par guiēndi dunujn, ache tēēt guijc badxiiban din yaca'n xmiliadi. Dios ragbee guial laan naj diidxli. ⁶Ad radiiltan guza't ree bejn dunujn zagdxe, ad radiil tēētan guza'tidi dunujn zagdxe, o guza't ree ben ren dunujn zagdxe, ⁷majsi guial nayajcan xiapóstol Jesucrist, raya'pan derejch yanabeen lějt güüнди xhienin par dunujn, per ad raguieentan zian. Lějt ragbee guial benza'c bayajcan chi badxu'nē'n lějt, zi'cgajczi tijb na rusni's rniaj tēē xi'n. ⁸Abi' guial tant rayēnan lějt, ad tijbtzi xtiidx Dios baneen lojdi, nē dux guialnabanan bayēnan naneen por lějt, guial tant rayēnan lějt. ⁹Abi' lějt ragbee compniar, guial dád baguieenan dxiin. Dxej guiaal baguieenan dxiin, chitēē yalu'n xchiindi guial güüнди dunujn yudar yabajnan la'tgaj balüün lějt xtiidxza'c Dios.

¹⁰Lějt nē Dios ragbeechaaw guial chi badxu'nē'n lějt, babajnan xnejz zi'c rayal, abi' achet chile' gudxiibidi du guijcan, lějt b́en rliladx ree Jesucrist. ¹¹Lějt ragbee xhienaag baneen lějt consejw, xhie tēē naag balu'n luxdoodi zi'c rüjn tijb dad con ree xi'nman. ¹²Ma

banan lojdi din guibandi zi'c rayal guiban b́en ma naj ree xbejn Dios, b́en rbejdx lějt din yayalidi xanyabaa lod rniabeeman.

¹³Zeel nē dunujn ad racwēēt radēēn quixtēē loj Dios, guial chi biguiejndi xtiidxaman ni banan lojdi, bidxga'di laan zi'c xtiidx Dios ad zi'ctzi xtiidx b́enguidxliuj. Abi' diidx guin ree naj ni rusni xquiarguiejndi, lějt guial rliladxidi Jesucrist. ¹⁴Abi' lějt compniar raliduladx ree laaman, ma guzajquidi zi'c guzac ree xbejn Dios, b́en Israel zojb ree niz Judea, b́en rliladx ree Jesucrist. Din zi'cgajc basagdiaj ree b́en ladxidi lějt, ziangajc basagdiaj lasa' b́en Israel reeman laa reeman. ¹⁵Abi' tēē ree b́en Israel bagüjt reeman Dad Jesús, zi'cgajc bagüjt reeman b́en badēēd ree xtiidx Dios loj ree bejn, balaagdxa tēē reeman dunujn, ad rüjnt reeman zi'c rēn Dios, abi' contzi gra bejn rdxe'ch reeman. ¹⁶Rudxoon reeman yalüün b́en ad najt ree b́en Israel xhienaag gac reeman perdon, zian laagajc reeman cutioob guijc xtol reeman, abi' yan ma cadēd reeman xcastiro' Dios.

Guyēn Pab nejman Tesalónica stijb

¹⁷Compniar raliduladx ree Jesucrist, chi basa'nan lějt tio'p choondxej, majsi ad raguiaatan lějt, per rasaaduladxan lějt, abi' rayēn nejzdoon yaguiaan lějt stijb. ¹⁸Dád bayēnan nudganajn lějt. Naj Pab, zien volt da't guyēnan nidganajn lějt, per badxoon xindxab niajz zian. ¹⁹Per yan sta rayēnan yudganajn lějt, din ni ralějzan naj guial lějt

ragu' du luxdoon zagdxe. Lëjt naj dux chiinan ni rabaanë'n yubiignë'n loj Dad Jesucrist chi gui'taman stijb. ²⁰Lëjt naj bèn rabaanë'n rlies tëedi dux valoran.

3 Zeel chi badxu'n luguiedx Atenas, ad radaantran, ma rayënan yayagbeen xhienaag za'di, dxel baguieenan xgab baya'n du xtijban ni. ²Abi' baxhaal dux compniaran Timoteo, bèn cayguieennë'n xchiin Dios caytie'chan xtiidxza'c Jesucrist, din yagu'man luxdoodi sudxi'chidi loj ni ma rililadxidi, ³din ni'qui tijbidi ad zalenya't por ree guialzi ni cadëdidi, lëjt ragbee guial zian yaza'c ree. ⁴Chi badxu'në'n lëjt, banan guial dád zien loj guialzi yadiüüd ree, abi' lëjt ragbee guial laan naj ni ma gojc. ⁵Zeel ad gudaantran, abi' guxhalan Timoteo din gagbeen xhienaag zinalidi ni rililadxidi, din rdxeban gusquiee xindxab lëjt, abi' achetri sirv nüjn ni baguieenan por lëjt.

⁶Per yan ni ma baguiaad Timoteo ni bidganajman lëjt, ma bagojnman dunujn guial zinalidi zagdxe ni rililadxidi Jesucrist në zi'c rën lasa'di. Laaman na guial zianczi yu' luxdoodi zagdxe rasaaladxidi dunujn, abi' dád ma rëndi guguaadi dunujn, zi'cgajc rayënan yaguiaan lëjt. ⁷Zeel, compniar raliduladx ree Jesucrist, majsi graloj tarbajw në guialzi caydüüdan, per dád nix yu' du luxdoon raguiejnan guial zagdxe zinalidi ni rililadxidi. ⁸Abi' yan mazri nix ma bayu du luxdoon guial ma bayagbeen za'dxi'chquidi loj ni zinalidi xnejz Dad Jesucrist. ⁹Dxel

xt ni'quid radxeyltan xhienaag yadëen quixtëe loj Dios por lëjt, guial dád nix yu' du luxdoon lojman por lëjt. ¹⁰Dxej guiaal radi'n ranaaban lojman din guneeman mod yudganajn lëjt, abi' lox yanan lojdi ni ryaadx gagbeedi xcwent guial rililadxidi Jesucrist.

¹¹Dux Dad ree Dios në Dad Jesucrist gagnë dunujn din gac yudganajn lëjt. ¹²Abi' Dad Jesucrist gagnë lëjt din gusnuu guiën lasa'di mazri, guiën tëedi gra lasa' bejndi zi'c rayënan lëjt. ¹³Laaman gagnë lëjt sudxi'chidi loj xnejz Dios din sudi naya sin dol lojman, dxej ni gui't Dad Jesucrist stijb con gra ree xbejnman.

Zi'c rën Dios guiban ree xbejnman

4 Yan, compniar raliduladx ree Jesucrist, raza'can lëjt liaadx, rana tëen lojdi por laaman, guial zi'c nabandi yan zi'c ma balüün lëjt guibandi, din güüнди zi'c rën Dios, gol been naguiejn gol basnuu mazri guibandi zi'c rënman.

²Din lëjt ma ragbee gra ni guxhaal Dad Jesús dunujn yanan ni güüнди. ³Ni rën Dios naj guial guibandi naya lojman, guial ad güüнди nidxuudx ree con ree bèn ad najt lacheelidi. ⁴Gol gogbee guial tijbgaj lëjt rayal guibannë lacheelidi zagdxe zi'c rën Dios con respejt, ⁵ad chu' lacheelidi naabzi par grii xgustidi zi'c rüjn ree bèn ad nünbeet Dios. ⁶Ni'qui tijbidi ad rayalt güünnaladx lasa'di, gusquiee lasa'di güüнди xhie nidxuudx con lacheel reeman. Din dux Dad ree Dios zudëëdaman casti gra ree bèn rüjn zian, zi'c ma banan lojdi

zi'c ma bagojnan lèjt. ⁷Din Dios ad gurejdx'taman dunuj ree yayajc ree xbejnman par yabajn ree nadxuudx, gurejdxaman dunuj ree par yabajn ree naya. ⁸Zeel bèn ad ridxga't ni ma banan lojdi, ad bénguidxliujtan ad ridxga'taman, Diosan ad ridxga'taman, bèn razaladx xSprijt duløj ree.

⁹Yan, xcwent guial guiën lasa'di, ad ryaadxt yanan lèjt xhienin xcwentan, din lèjt gajc ma basiid por Dios xhienaag guiën lasa'di, ¹⁰abi' laan naj ni cayüjndi con gra dux compniar ree bèn rliladx ree Jesucrist niz Macedonia. Per raza'can lèjt liaadx din gusnuu guiën lasa'di mazri. ¹¹Gol been tää naguiejn guibannè lasa'di zagdxe, gol guyu xgab xchiindi, zi'c ma ranan lojdi güüindi dxiin, ¹²din guibandi zagdxe loj ree bèn ad rliladxt Jesucrist nè chitëë xhie guiyaadxidi.

Ni gac chi gui't Dad Jesucrist

¹³Yan, compniar raliduladx ree Jesucrist, ad rayëntan guibandi sin guial gagbeedi xcwent ree bengüt, chitëë chu'nayadi zi'c ree bèn ad rliladxt Jesucrist. ¹⁴Din bal raliduladx ree guial güjtaman abi' babanman stijb, ziangajc raliduladx ree guial ree bèn ma güjt, bèn bililadx ree laaman, yasban Dios laa reeman por Jesucrist.

¹⁵Zeel zi'c ma rayignia'n xtiidxaman, dunujn rana lojdi guial gra ree xbejnman, bèn sta naban ree chi gui'taman stijb, ad zanedt reeman loj ree xbejnman bèn ma güjt ree. ¹⁶Din dxejzii guiguien cha' bèn rniabee xhienaag gac, guiguien

cha' anjl rniabee ree anjl, guiguien guibejdx xtrompejt Dios. Dxel guiat Dad Jesucrist diidz xanyabaa, abi' yaløj ree xbejnman bèn ma güjt ree yaban stijb. ¹⁷Guiáad dux compniar ree bèn sta naban ree dxejzii, yadxaag ree con ree bèn baban guin, dxel yo' ree ladya loj ree zaj lod yadxaag ree Dad Jesucrist. Zian yo' ree yuchu'nè' reeman tiblayaa. ¹⁸Zeel gol bagu' luxdoo lasa'di con ree diidz guin.

5 Yan, compniar raliduladx ree Jesucrist, xhie dxej gac zian o goc gac zian ya, ad rüjnt naguiejn ganinan lèjt. ²Din lèjt ragbeechaaw guial zi'cgajczi ri't tijb béngubaan guxhin, chi achut rbëz laaman, zian guidxin dxej gui't Dad Jesucrist stijb. ³Chi guiëb ree bejn: “Zagdxe zio' ree, achet gac”, dxel dxejczii gui't guialzi par laa reeman ni ad zariit reeman loj, zi'c chi rdxin hor ragnaa lën béngunaa chi ma gal xi'nman. ⁴Per lèjt compniar, ad zëtridi loj nejzmal din guiniaaz dxej ni gui't Dad Jesucrist lèjt zi'c chi ri't tijb béngubaan. ⁵Din gracziidi ma zinal Dios, zinalidi xnejzaman, nejz nayni. Ad zunaalt ree nejz mal, nejz nacay. ⁶Zeel ad najt guial yabajn ree zi'c tijb bënnaayëjs, zi'c rüjn los demazri ree bejn, rayal yatie'ch dux bacaal ree, yadxu' ree nadëdguiendxuj. ⁷Bèn zinal ree nejzmal zi'c tijb bënnaayëjs, zi'c tijb bengu', zian zinal reeman nejz guin. ⁸Per dunuj ree, guial ma zunaal ree xnejz Dios, guidib tiamp naj guial yabajn ree nadëdguien. Yadxu'dxi'ch ree loj guialrliladx ni ma raya'p ree nè loj ni rën Dios dunuj ree, abi' yadxu'dxi'ch tëë ree

ně loj ni ma raliduladx ree guial ma raya'p ree perdon. Abi' zi'c tijb xin suldad yu' xcascwix ni rutěě yaya'p těě reen zi'c tijb ni gutěě dunuj ree loj ni mal ⁹Din ad gurejdx Dios dunuj ree par yayal ree xcastiman, gurejdxaman dunuj ree din yayal ree perdon por Dad Jesucrist, ¹⁰b́en güt por dunuj ree, din majsi nabajn ree o ma bayějt ree chi gui'taman stijb, per yo' ree yuchu'ně' reeman. ¹¹Zeel gol bagu' luxdoo lasa'di gol been těě yudar lasa'di din gagbeedi mazri xtiidx Dios zi'c ma cayüjndi.

**Ni rayal güün ree b́en
rliladx Jesucrist**

¹²Compniar raliduladx ree Jesucrist, raza'can lějt liaadx, gol gojp respejt b́en rusiid ree lějt xtiidx Dios, b́en ruluü ree lějt rnieně těě reeman lějt xhienaag chinalidi Jesucrist. ¹³Gol gojc benza'c da't con laa reeman, gol guyën da't reeman por dxiin cayüjn reeman. Gol gubajnně lasa'di zagdxe.

¹⁴Ranaab těen lojdi compniar, gol guneeně ree b́en ad rěnt güün dxiin, gol bagu' luxdoo ree b́en ralenya'ně xnejz Dios, gol been těě yudar b́en ad za'dxi'cht ree loj xnejzaman, gol gojp pacens gra reeman.

¹⁵Gol been naguiejn ad güüнди ni mal b́en rüjn ree lějt ni mal,

zagdxeli gol gojc benza'c con lasa'di ně con gra ree bejn. ¹⁶Gol badxe' luxdoodi zagdxe zianczi. ¹⁷Ad gucwěöz cwedx guiniabidi Dios. ¹⁸Gol baděě quixtěě lojman por gra, din zian rěnman güüнди, lějt najdi xbejn Jesucrist.

¹⁹Ad rbexuudi nabee xSprijt Dios lějt. ²⁰Gol bidxga' ni rnıee ree b́en ruděöd xtiidxaman. ²¹Yaloj xgaj gol gogbee zagdxe xhietěöznnin, dxel gol been ni naj zagdxe. ²²Gol gubi'ca loj gra ree ni mal.

²³Dios, b́en rabe'cdxe luxdoo bejn, laaman gagně lějt din gaquidi lojman naya guidiblagaa. Laaman gagně xcuerpıdi, gagněman xsprijtidi ně guidibлагаadi din gaquidi nayadxuj lojman dxej gui't Dad Jesucrist. ²⁴Abi' Dios güün zian, din laaman, b́en rbejdx dunuj ree par güünman dunuj ree xbejnman, rüjn xtiidxaman cumplid.

Diidx bigra ca ree loj gui'ch guie

²⁵Compniar raliduladx ree Jesucrist, gol gurejdx gunab Dios por dunujn. ²⁶Gol baděě xtiidx Dios da cwentan loj gra ree compniar rliladx Jesucrist. ²⁷Abi' por laaman, naj rni lojdi rniabee těen lějt: Gol biil gui'ch guie loj gra ree compniar rliladx laaman. ²⁸Dux Dad ree Jesucrist güünle' lějt.